



## Արձանագրություն Հավաստագրված Գյուղատնտեսական Շուկաների Համար

**Վերջին Փոփոխություններ.** (Փոփոխությունները նշված են դեղինով)  
**12/9/20:**

- Հավաստագրված գյուղատնտեսական շուկաներում առավելագույն զբաղվածությունը սահմանափակվում է առավելագույն զբաղվածության 35%-ով՝ համաձայն համապատասխան շինության կամ հրդեհային օրենսգրքի զբաղվածության:
- Աշխատակիցները և այցելուները Շուկա մտնելուց առաջ պետք է զննում անցնեն, թե արդյոք գտնվում են ընթացիկ մեկուսացման կամ կարանտինի հրամանների ներքո:
- Աշխատակիցները պետք է ուտեն կամ խմեն միայն ընդմիջման ժամանակ և միայն ընդմիջման համար նախատեսված տարածքներում՝ նախընտրելի է դրսում: Ուտելիս և/կամ խմելիս աշխատակիցները պետք է պահպանեն առնվազն 6 ոտնաչափ ֆիզիկական հեռավորություն բոլորից:
- Սննդի վաճառակետերը կարող են բաց լինել միայն մոտենալ-վերցնելու և առաքման համար:

Այս արձանագրությունը մշակվել է՝ թույլ տալու, որ Հավաստագրված Գյուղատնտեսական Շուկաները, որոնք վավերացված են Կալիֆորնիա Նահանգի կողմից և գործում են Կալիֆորնիայի Սննդի և Գյուղատնտեսության Վարչության պահանջների և Կալիֆորնիայի Սննդի Մանրածախ Առևտրի Օրենքով (CRFC) սահմանված պահանջների համաձայն, գործեն այն դեպքում, երբ համապատասխանում են Լոս Անջելեսի Շրջանի Հանրային Առողջապահության Վարչության (DPH) սույն արձանագրություններին:

Հավաստագրված Գյուղատնտեսական Շուկաները կարող են թույլ տալ, որ սննդի ժամանակավոր հաստատությունները (սննդի տաղավարները) գործեն որպես առանձին համայնքային իրադարձություն Վկայագրված Գյուղատնտեսական Շուկաների հարևանությամբ և դրանց հետ մեկտեղ՝ համաձայն Կալիֆորնիայի Սննդի Մանրածախ Առևտրի Ոլորտում նշված պահանջների:

Հավաստագրված Գյուղատնտեսական Շուկան («Շուկա») և դրան հարակից համայնքային միջոցառումը պետք է դեկավարվեն տեղանքի լիազորված պատասխանատու Կառավարչի կողմից, որը կստանձնի ողջ անձնակազմի շարունակական վերապատրաստման և զննումների, բոլոր անհրաժեշտ սարքավորումների և նյութերի ապահովման պատասխանատվությունը շուկայում առկա ընդհանուր տարածքներում, անվտանգության բոլոր միջոցառումների պահպանման վերահսկումը և ըստ անհրաժեշտության Հանրային Առողջապահության Վարչությունից տեղական գոտիավորման և քաղաքային պաշտոնյաներից հաստատումներ ստանալու համար: Այցելեք <http://publichealth.lacounty.gov/eh/DSE/CommunityEvent.htm> հաստատված թույլատրված Հավաստագրված Գյուղատնտեսական Շուկայում սննդի տաղավարն աշխատացնելու համար Հանրային Առողջապահության թույլտվությունը ստանալու նպատակով դիմելու համար:

Հաշվի առեք, որ COVID-19-ի փոխանցման հետ կապված վտանգների պատճառով Հավաստագրված Գյուղատնտեսական Շուկաները պետք է սահմանափակվեն միայն վաճառողներով: Չի թույլատրվում ցանկացած տեսակի զվարճանք, որը նախատեսում է ներկաների հավաքներ՝ ներառյալ, բայց չսահմանափակվելով երաժշտական, պարային կամ թատերական ներկայացումներ, երեխաների զվարճանքներ կամ արհեստների ցուցադրություններ:



Խնդրում ենք հաշվի առնել, որ այս փաստաթուղթը կարող է թարմացվել, լրացուցիչ տեղեկությունների կամ ռեսուրսների հասանելի դառնալու դեպքում, այնպես որ մի մոռացեք կանոնավոր կերպով ստուգել Լոս Անջելեսի Շրջանի վեբ կայքը հետևյալ հասցեով՝ <http://www.ph.lacounty.gov/media/Coronavirus/> սույն փաստաթղթի ցանկացած թարմացմանը տեղեկացված լինելու համար:

Այս ստուգաթերթը ներառում է.

- (1) Աշխատավայրի գործելակերպը և գործունեության ծրագրերը՝ աշխատողների առողջությունը պաշտպանելու համար
- (2) Ֆիզիկական հեռավորության ապահովման միջոցառումներ
- (3) Վարակի վերահսկման ապահովման միջոցառումներ
- (4) Աշխատակիցների կամ հանրության հետ հաղորդակցություն
- (5) Կարևոր ծառայություններին անաչառ հասանելիության ապահովման միջոցառումներ:

Հավաստագրված Գյուղատնտեսական Շուկաներ անցկացնելու ձեր ծրագրերը մշակելիս պետք է հաշվի առնել հետևյալ հինգ հիմնական ոլորտները.

**Բոլոր Հավաստագրված Գյուղատնտեսական Շուկաները, որոնց մասին խոսվում է այս արձանագրության մեջ, պետք է իրականացնեն ստորև նշված բոլոր կիրառելի միջոցառումները և պատրաստ լինեն բացատրելու, թե ինչու որևէ միջոցառում կրառելի չէ տվյալ բիզնես-ձեռնարկության համար : Շուկայի Կառավարիչները պետք է այս արձանագրության կրկնօրինակը տրամադրեն բոլոր վաճառողներին՝ բոլոր արձանագրություններին համապատասխանությունն ապահովելու համար:**

Հավաստագրված  
Գյուղատնտեսական Շուկա

Հասցե՝

Առավելագույն  
Չբաղվածությունը՝ ըստ  
Հրդեհային Օրենսգրքի՝

Առավելագույն  
Չբաղվածությունը՝ հիմնված  
35% զբաղվածության վրա

Հասարակության համար բաց  
տարածության մոտավոր  
ընդհանուր քառակուսի մետրը՝

**A. ԱՇԽԱՏԱՎԱՅՐԻ ԳՈՐԾԵԼԱԿԵՐՊԸ ԵՎ ԳՈՐԾՈՒՆԵՈՒԹՅԱՆ ԾՐԱԳՐԵՐԸ՝  
ԱՇԽԱՏՈՂՆԵՐԻ ԱՌՈՂՋՈՒԹՅՈՒՆԸ ԴԱՇՏՊԱՆԵԼՈՒ ՀԱՄԱՐ (ՆՇԵԼ ՀԱՍՏԱՏՈՒԹՅԱՆ  
ՀԱՄԱՐ ԿԻՐԱՌԵԼԻ ԲՈԼՈՐ ՏԱՐԲԵՐԱԿԵՐԸ)**

- Բոլոր աշխատողները (ներառյալ Շուկայի Կառավարչի անունից աշխատող աշխատակիցները կամ կամավորները և տաղավարների համար աշխատողները) պետք է ստանան սույն արձանագրության կրկնօրինակը:
- Խոցելի աշխատողներին (65 տարեկանից բարձր անձինք, քրոնիկական առողջական խնդիրներ ունեցողներ) պետք է տալ այնպիսի աշխատանք, որը, հնարավորության դեպքում, հնարավոր է



կատարել տևից, կամ սահմանափակում է մյուսների հետ նրանց շփումը Շուկայում:

- ❑ Բոլոր աշխատակիցներին (ներառյալ կամավորները և վաճառողները, միասին՝ <<աշխատակիցներ>>) պետք է տեղեկացնել, Է, որ հիվանդության կամ COVID-19-ով վարակված անձի հետ շփում ունենալու դեպքում չգան աշխատանքի: Աշխատակիցները հասկանում են, որ անհրաժեշտության դեպքում պետք է հետևեն DPH-ի ցուցումներին՝ ինքնամեկուսացման և կարանտինի համար: Աշխատավայրում արձակուրդի ծրագիրը պետք է վերանայվի և փոփոխվի՝ ապահովելու, որպեսզի հիվանդության պատճառով տանը մնացող աշխատողները չտուգանվեն :
  - Աշխատակիցներին տրամադրվում է տեղեկատվություն գործատուի կամ կառավարության կողմից հովանավորվող արձակուրդի նպաստների մասին, որից աշխատակիցը կարող է իրավունք ունենալ օգտվելու, ինչը ֆինանսապես ավելի կիեշտացնի աշխատակցի տանը մնալը : Տե՛ս լրացուցիչ տեղեկությունները հիվանդության հիմքով տրամադրվող արձակուրդի և COVID-19-ի հետևանքով աշխատողի փոխհատուցմանը օժանդակող պետական [ծրագրերի](#) մասին՝ ներառյալ աշխատակցի՝ հիվանդության հիմքով արձակուրդի վերաբերյալ իրավունքները՝ համաձայն [Ընտանիքների Կորոնավիրուսի Առաջին Արձագանքման Ակտի](#) և Մարտի 19-ի Հոլիսի 5-ն ընկած ժամանակահատվածում COVID-19-ով վարակման արդյունքում աշխատանքային գործունեությանն առնչվող նպաստներից օգտվելու աշխատակցի իրավունքները՝ համաձայն Նահագապետի [N-62-20 Գործադիր Հրաման](#) -ի:
- ❑ Բոլոր վաճառողների և աշխատակիցների [ստուգումներն](#) իրականացվում են, նախքան նրանց Շուկա մտնել: Ստուգումները պետք է ներառեն ստուգում կապված հագի, շնչարգելության, դժվարացած շնչառության և ջերմության կամ դողերոցի հետ, և **արդյոք անհատը գտնվում է ընթացիկ մեկուսացման կամ կարանտինի հրամանների ներքո:** Այս ստուգումները կարող են իրականացվել հեռակա կամ անձամբ՝ աշխատակցի կամ վաճառողի ժամանման պահին: Հնարավորության դեպքում աշխատավայրում պետք է կատարվի նաև ջերմաչափում:
- ❑ Տեղեկանալուց հետո, որ մեկ կամ մի քանի վաճառողների կամ աշխատակիցների թեստի պատասխանը դրական է, կամ նրանք ունեն արտանիշներ, որոնք համընկնում են COVID-19-ի հետ (վարակված անձ), Շուկայի Կառավարիչը պետք է ունենա ծրագիր կամ արձանագրություն, որպեսզի վարակված անձը (անձինք) մեկուսանան տանը, և պահանջի, որպեսզի աշխատավայրում վարակված անձի (անձանց) հետ շփում ունեցած բոլոր աշխատակիցներն անհապաղ ինքնամեկուսանան: Գործատուի ծրագիրը պետք է կարանտինի մեջ գտնվող բոլոր աշխատակիցների համար նախատեսի արձանագրություն, որի միջոցով նրանք կկարողանան COVID-19-ի թեստ հանձնել ` որոշելու համար, թե արդյոք աշխատավայրում տեղի են ունեցել վարակման լրացուցիչ դեպքեր, ինչը կարող է պահանջել COVID-19-ի հսկողության լրացուցիչ միջոցառումների իրականացում: Այն նաև պետք է ներառի ծրագիր, թե ինչպես կարելի է տեղեկացնել այլ վաճառողներին վարակման մասին: Տե՛ս հանրային առողջապահության ուղեցույցը [Աշխատավայրում COVID-19-ի Արձագանքը](#):
- ❑ Այն դեպքում, եթե 14 օրվա ընթացքում աշխատավայրում հայտնաբերվի COVID-19-ով վարակման երեք կամ ավելի դեպք, գործատուն պետք է այդ բնկման մասին հաղորդի Հանրային Առողջապահության Վարչությանը հետևյալ հեռախոսահամարներով ` (888) 397 -3993 կամ (213) 240-7821: Եթե աշխատավայրում հայտնաբերվի խմբակային վարակման դեպք, ապա Հանրային Առողջապահության Վարչությունը նախաձեռնելու է խմբակային վարակման դեպքին արձագանք, որը ներառում է վարակների վերահսկման ուղեցույցների և առաջարկությունների տրամադրում, տեխնիկական աջակցություն և տեղանքի հատուկ վերահսկման միջոցառումներ: Հանրային Առողջապահության Գործերի Կառավարիչը կգբաղվի խմբակային վարակման դեպքի քննությամբ՝ օգնելով ուղղորդել հաստատության արձագանքը:
- ❑ Բոլոր վաճառողները և աշխատակիցները պետք է կրեն դեմքի համապատասխան ծածկոց, որը ծածկում է քիթը և բերանը: Վաճառողը և բոլոր աշխատակիցները պարտավոր են ամբողջ աշխատանքային օրվա ընթացքում կրել դեմքի ծածկոցը, երբ շփվում են կամ հնարավոր է շփում ունենան այլոց հետ: Բոլոր աշխատակիցներին պետք է անվճար տրամադրեն դեմքի համապատասխան ծածկոցներ: Այն վաճառողները և աշխատակիցները, որոնց բժիշկը խորհուրդ է տվել չկրել դեմքի ծածկոց, պետք է ներքևի եզրին ամրացված կտորով դեմքի վահան կրեն, որպեսզի համապատասխանեն Նահանգի հրահանգներին, քանի դեռ նրանց կարգավիճակը դա թույլ է տալիս: Նախընտրելի են կզակը ծածկող կտորով դեմքի վահանները : Միակողմանի փականով դիմակներ չպետք է կիրառվեն:



- Աշխատողներին հրահանգվում է ամեն օր լվանալ կամ փոխել իրենց դեմքի ծածկոցները:
- Դիմակների հետևողական և ճշգրիտ կիրառումն ապահովելու համար աշխատակիցներին չի խրախուսվում ուտել կամ խմել՝ բացառությամբ իրենց ընդմիջումների ժամերը, երբ նրանք կարող են անվտանգ կերպով հանել իրենց դիմակները և մյուսներից ֆիզիկական հեռավորություն պահպանել: Ուտելիս կամ խմելիս աշխատակիցները պետք է մյուսներից առնվազն վեց ոտնաչափ հեռավորություն պահպանեն: Նախընտրելի է ուտել կամ խմել դրսում և հնարավորության դեպքում մյուսներից հեռու: Խցիկում կամ աշխատավայրում ուտելը կամ խմելը ավելի նախընտրելի է, քան ընդմիջման սենյակում ուտելը, եթե խցիկում կամ աշխատավայրում ուտելը մյուսներից ավելի շատ հեռավորություն և միջնապատեր է տրամադրում:
- Չբաղվածությունը կրճատվում է, և աշխատողների միջև տարածությունն առավելագույնի է հասցվում ցանկացած սենյակում կամ տարածքում, որն աշխատակիցներն օգտագործում են ճաշերի և/կամ ընդմիջումների համար: Այս պահանջին հնարավոր է հասնել հետևյալ կերպ.
  - Նշել առավելագույն զբաղվածությունը, որը համապատասխանում է ընդմիջումների համար օգտագործվող սենյակներում կամ տարածքներում առնվազն վեց ոտնաչափ հեռավորության ապահովմանը և
  - Փոփոխել ընդմիջումների կամ ճաշի ժամերը՝ ճաշերի և ընդմիջումների համար օգտագործվող սենյակներում կամ տարածքներում զբաղվածության թիվը նվազեցնելու համար, և
  - Սեղանները դնել վեց ոտնաչափ հեռավորության վրա և ապահովել նստատեղերի միջև վեց ոտնաչափ հեռավորությունը, նստատեղերը հեռացնել կամ ժապավեններ կպցնել՝ զբաղվածությունը նվազեցնելու համար, հատակների վրա գծանշումներ դնել՝ հեռավորությունն ապահովելու համար, և նստատեղերը դասավորել այնպես, որ նվազագույնի հասցվի դեմ առ դեմ շփումը: Միջնապատերի օգտագործումը խրախուսվում է՝ տարածման հետագա կանխարգելման համար, բայց չպետք է համարվի զբաղվածության կրճատմանը և ֆիզիկական հեռավորության պահպանմանը փոխարինող միջոց:
- Զնարավորության դեպքում հովանոցներով և նստարաններով ընդմիջման բացօթյա տարածքներ են ստեղծվում, որոնք կօգնեն ապահովել ֆիզիկական հեռավորությունը: Աշխատավարձի և ժամային կանոնակարգերի համաձայն՝ ընդմիջումները պետք է բաշխվեն, այնպես, որ ապահովվեն աշխատողների միջև ընդմիջման սենյակներում մշտապես վեց (6) ոտնաչափ հեռավորության պահպանումը:
- Վաճառողների բոլոր տաղավարները և վաճառողների տաղավարների մեջ բոլոր առևտրի կայանները պետք է առանձնացված լինեն առնվազն վեց ոտնաչափով:
- Ընդմիջման սենյակները, զուգարանները և ընդհանուր օգտագործման մյուս տարածքները պետք է հաճախակի ախտահանվեն հետևյալ ժամանակացույցով.
  - Ընդմիջման սենյակներ \_\_\_\_\_
  - Չուգարաններ \_\_\_\_\_
  - Այլ \_\_\_\_\_
- Ախտահանիչները և նմանատիպ նյութերը վաճառողների և աշխատողների համար պետք է հասանելի լինեն հետևյալ վայր(եր)ում.  
\_\_\_\_\_
- COVID-19-ի դեմ արդյունավետ ձեռքի ախտահանիչ միջոցը պետք է հասանելի լինի բոլոր վաճառողների և աշխատողների համար հետևյալ վայր(եր)ում:.  
\_\_\_\_\_
- Աշխատակիցներին պետք է թույլատրվի հաճախ ընդմիջումներ վերցնել ձեռքերը լվանալու համար:
- Յուրաքանչյուր աշխատողին պետք է հատկացվեն իր սեփական գործիքները, սարքավորումները և սահմանված աշխատանքային տարածքը: Զնարավորության դեպքում պետք է նվազագույնի հասցնել

ձեռքով համատեղ օգտագործվող իրերի կիրառումը (օրինակ՝ հեռախոսներ, պլանշետներ, դյուրակիր համակարգիչներ, սեղաններ, գրիչներ և այլն):

- Այս ստուգաթերթում նկարագրված բոլոր ծրագրերը՝ բացի զբաղվածության պայմաններին վերաբերող ծրագրից, կիրառվում են առաքման անձնակազմի և ցանկացած այլ ընկերությունների նկատմամբ, որոնք կարող են գտնվել տարածքում՝ որպես երրորդ կողմ:
- Ընտրովի՝ Նկարագրել այլ միջոցառումներ:

## B. ՖԻԶԻԿԱԿԱՆ ՀԵՌԱՎՈՐՈՒԹՅԱՆ ԱԴԱՅՈՎՄԱՆ ՄԻՋՈՑԱՌՈՒՄՆԵՐ

- Հավաստագրված Գյուղատնտեսական Շուկան անց է կացվում դրսում (Բացօթյա տարածքում): Maximum occupancy for the Market is limited to **35%** of outdoor Market capacity.
  - Շուկայի Կառավարիչը պետք է ապահովի, որ վաճառողներին (և՛ սննդամթերքի, և՛ մանրածախ վաճառողներին) հատկացված տարածքը հնարավորություն տա նրանց մեծ տարածք ունենալ՝ սեղաններ, հովանոցներ և այլ ցուցափեղկեր տեղադրելու համար՝ համապատասխան ֆիզիկական հեռավորության պահանջներին:
  - Վրաններ կամ հովանոցներ կարող են օգտագործվել այն պայմանով, որ վրանները կամ հովանոցները երեք կողմից բաց լինեն՝ ապահովելու համար համապատասխան օդափոխություն: Բացառություն են կազմում սննդի տաղավարները՝ հիմնված CRFC-ում նշված պահանջների վրա:
  - Շուկայում հաճախորդների առավելագույն քանակը պետք է սահմանափակվի:
- 
- Աշխատակիցը (կամ աշխատակիցները, եթե մեկից ավելի մուտքեր կան), որոնք ունեն համապատասխան դեմքի ծածկոց, պետք է կանգնեն մուտքի մոտ, բայց մոտակա հաճախորդներից առնվազն 6 ոտնաչափ հեռավորության վրա՝ հաճախորդներին ուղղորդելու և Շուկայի զբաղվածությանը հետևելու համար:
  - Մտածեք սահմանափակ ժամանակով մուտքի կամ ամրագրման համակարգի ներդրման մասին՝ առավելագույն զբաղվածության հասնելու վտանգը նվազեցնելու համար: Եթե Շուկան հասնի առավելագույն զբաղվածության, հաճախորդներին կարող է թույլատրվել հերթագրվել, ինչպես հաստատված է տեղական օրենքներով, եթե տարածքը թույլ է տալիս, բայց նրանց պետք է հրահանգել, որ հերթի մեջ սպասելիս միմյանցից 6 ոտնաչափ ֆիզիկական հեռավորություն պահպանեն:
  - Ժապավենները կամ այլ նշանները պետք է սահմանեն ինչպես ելակետային վայրը Շուկա ժամանող հաճախորդների համար, այնպես էլ 6 ոտնաչափ միջակայքերը հաջորդ հաճախորդների համար, որոնք միանում են շարքին մուտք գործելու համար:
  - Դետք է Իրականացվեն առնվազն վեց (6) ոտնաչափ ֆիզիկական հեռավորության ապահովման միջոցառումներ՝ վաճառողների և հաճախորդների միջև ֆիզիկական հեռավորությունը ապահովելու համար:
    - Տաղավարների շարքերի միջանցքները պետք է լինեն բավականաչափ լայն երկու ուղղություններով շարժն ապահովելու համար, կամ պետք է հստակորեն նախատեսված լինեն միայն որպես միակողմանի տաղավարներ:
    - Տաղավարները պետք է տեղադրված լինեն այնպես, որ մեկից ավելի հաճախորդներ հնարավորություն ունենան տաղավարում լինել՝ միևնույն ժամանակ միմյանցից 6 ոտնաչափ ֆիզիկական հեռավորություն պահպանելով:
    - Վաճառողներին պետք է կարգադրել տեղադրել իրենց տաղավարներն այնպես, որ աշխատակիցները հնարավորություն ունենան հաճախորդներից 6 ոտնաչափ ֆիզիկական հեռավորություն պահպանել: Այն տարածքներում, որտեղ 6 ոտնաչափ հեռավորություն հնարավոր չէ պահպանել (օրինակ՝ դրամարկղում), պետք է տեղադրվեն ստվերային ծածկոցներ՝ ինչպիսին է օրգանական ապակին: Տե՛ս հանրային առողջապահության ուղեցույցը

միջնապատերի վերաբերյալ: Սա կարող է ներառել ֆիզիկական միջնապատերի կամ տեսողական ազդանշանների օգտագործում (օրինակ՝ հատակի գծանշումներ, գունավոր ժապավեն կամ նշաններ աշխատողների և հաճախորդների կանգնելու վայրը նշելու համար):

- Դիտարկեք վաճառողների ժամանումը կազմակերպելու գործը, նախքան միջոցառումը, որպեսզի վաճառողներն ապահովեն ֆիզիկական հեռավորությունը և տեղադրեն իրենց տաղավարները:
- Վաճառողներին պետք է հորդորել հնարավորինս մնալ իրենց տաղավարներում Շուկայի ընթացքում և խուսափել ուրիշների հետ հավաքվելուց:
- Հասարակական նստատեղերը (օրինակ՝ աթոռներ, նստարաններ և այլ հասարակական տարածքներ) պետք է վերացվեն՝ հաճախորդներին հավաքվելուց ետ պահելու համար:

### C. ՎԱՐԱԿԻ ՎԵՐԱՀՍԿՄԱՆ ԱԴԱՅՈՎՄԱՆ ՄԻՋՈՑԱՌՈՒՄՆԵՐ

- Շուկայի ողջ տարածքում պետք է հասանելի լինեն կայաններ՝ հաճախորդներին հնարավորություն տալու օգտագործել պատշաճ ախտահանիչ պարագաներ, այդ թվում՝ առնվազն 60% սպիրտային հիմքով ձեռքերի ախտահանիչ միջոց, անձեռոցիկներ և աղբամաններ:
- Դեռք է գործեն առանց հպման վճարային համակարգեր կամ, եթե դա հնարավոր չէ, վճարային համակարգերը պետք է պարբերաբար ախտահանվեն: Նկարագրեք.

- Ընդհանուր և բարձր խցանելիությամբ գոտիները և հաճախակի հպման առարկաները (օր.՝ բազրիքներ, դռան բռնակներ կամ բռնակներ, վարկային քարտերի ընթերցիչներ և այլն) պետք է պարբերաբար ախտահանվեն Շուկայի ժամերին՝ օգտագործելով EPA-ի կողմից հաստատված ախտահանիչներ՝ հետևելով արտադրողի օգտագործման ցուցումներին:
- Բացօթյա զուգարաններն ու ձեռքի վազման կայանները պետք է ապահովված լինեն ձեռքի օճառով, թղթե սրբիչներով և անհպում աղբարկղերով: Բացօթյա հասարակական զուգարանները պետք է պարբերաբար մաքրվեն և ախտահանվեն՝ օգտագործելով EPA-ի կողմից հաստատված ախտահանիչներ՝ հետևելով արտադրողի օգտագործման ցուցումներին՝ հետևյալ ժամանակացույցով.

- Հասարակական խմելու ջրի շատրվանները պետք է անջատվեն և ունենան ցուցանակներ, որոնք կտեղեկացնեն հաճախորդներին այն մասին, որ շատրվանները չեն գործում:
- Հաճախորդներին պետք է հանձնարարել, որ նրանք Շուկայում գտնվելու ընթացքում մշտապես կրեն դեմքի ծածկոց: Ձեր աշխատողների և այլ այցելուների անվտանգությունն ապահովելու համար պետք է դեմքի ծածկոցը հասանելի դարձնել այն այցելուների համար, որոնք ժամանում են առանց դրա :
- Ախտանիշների ստուգումն իրականացվում է նախքան այցելուների հաստատություն մուտք գործելը: Ստուգումները պետք է ներառեն ստուգում՝ կապված հազի, շնչարգելության, դժվարացած շնչառության, ջերմության կամ դողերոցի հետ, **ինչպես նաև հարցում, թե արդյոք անհատը գտնվում է ընթացիկ մեկուսացման կամ կարանտինի հրամանների ներքո:** Այս ստուգումները կարելի է անել անձամբ կամ այլընտրանքային մեթոդների միջոցով՝ ինչպիսիք են առցանց ստուգումը համակարգերով կամ հաստատության մուտքի մոտ փակցված ցուցանակների միջոցով, որոնց վրա պետք է նշվի, որ տվյալ ախտանիշներն ունեցող այցելուները չպետք է մուտք գործեն տվյալ տարածք:
- Երեխաների հետ Շուկա ժամանող հաճախորդները պետք է ապահովվեն, որ իրենց երեխաները մնան ծնողի կողքին, խուսափեն որևէ այլ անձի կամ իրենց չպատկանող իրի դիպչելուց, և կրեն դեմքի ծածկոցներ, եթե տարիքը թույլ է տալիս:

- Բոլոր ինքնասպասարկման ընդհանուր իրերը (օրինակ՝ պլաստիկ տոպրակները և այլն) պետք է ըստ պահանջի հեռացվեն և տրամադրվեն վաճառողի կողմից:
- Հաճախորդները պետք է հեշտությամբ հասանելիություն ունենան պատշաճ ախտահանիչ միջոցներին՝ ներառյալ ձեռքի ախտահանիչ միջոցները, անձեռոցիկները և աղբամանները Շուկայի ողջ



տարածքում: Տաղավարների վաճառողները իրենց տաղավարներում պետք է տրամադրեն ձեռքերի ախտահանման կայան, եթե թույլ են տալիս հաճախորդներին ձեռք տալ իրենց արտադրանքին:

- Երեխաների խաղահրապարակները, գործունեության գոտիները կամ այլ հարմարությունները (օր.՝ արձակուրդային լուսանկարներ) չեն թույլատրվում:
- Ժամանցի ցանկացած տեսակ չի թույլատրվում:
- Ընտրովի - Նկարագրել այլ միջոցառումներ (օր.՝ միայն տարեցների համար ժամեր տրամադրելը, առցանց պատվիրելու/գալ վերցնելու ծառայության խրախուսումը, ոչ պիկ վաճառքի խթանումը)։

### ՍՆՆԴԱՄԹԵՐԻ ԾԱՌԱՅՈՒԹՅԱՆ ԱՆՎՏԱՆԳՈՒԹՅԱՆ ՆԿԱՏԱՌՈՒՄՆԵՐ

- Կալիֆորնիայի Աննդի Մանրածախ Առևտրի Օրենքով (CRFC) նախատեսված սննդամթերքի անվտանգության բոլոր փորձերը և պահանջները պետք է հետևվեն և պահպանվեն:
- Ճաշելու բացօթյա տարածքները փակ են: Սննդի վաճառակետերը կարող են բաց լինել մոտենալ-վերցնելու և առաքման ծառայությունների համար:** Սննդամթերք վաճառողները պետք է ենթարկվեն [Ռեատորանների համար DPH-ի Արձանագրություններին](#) և կարող են ավելի վաճառել միայն այն դեպքում, երբ այն գնում են նույն գործարքով, ինչ սնունդը: Զանրությունը չի կարող սնունդ կամ խմիչք օգտագործել շուկայում գտնվելու ընթացքում:
- Անհրաժեշտ է մաքրել և ախտահանել սպասքն ու սարքավորումները CRFC-ով սահմանված պահանջվող հաճախականությամբ:
- Անհրաժեշտ է հավատարիմ մնալ աշխատողների առողջության և հիգիենայի պրակտիկային. Զիվանդ լինելու ժամանակ չպետք է աշխատել, հաճախակի լվանալ ձեռքերը, ձեռնոցները օգտագործել՝ ինչպես պահանջվում է CRFC-ով:
- Անհրաժեշտ է համոզվել, որ ամբողջ սնունդն ու սննդի բաղադրիչները սննդի հաստատված աղբյուրից են:
- Սննդամթերքը պատրաստող աշխատակիցներին չի խրախուսվում հերթափոխի ընթացքում փոխել կամ մուտք գործել այլոց աշխատանքային կայաններ:
- Չփաթեթավորված սննդից որևէ նմուշառում չի թույլատրվում:

### D. ԶԱՆՐՈՒԹՅԱՆ ԶԵՏ ԶԱՂՈՐԴԱԿՑՄԱՆ ՄԻՋՈՑԱՌՈՒՄՆԵՐ

- Սույն Արձանագրության կրկնօրինակը պետք է փակցվի հաստատության բոլոր հանրային մուտքերում:
- Ցուցանակները պետք է փակցված լինեն Շուկայի և յուրաքանչյուր տաղավարի մուտքի մոտ, ինչը հաճախորդներին կհիշեցնի վեց ոտնաչափ ֆիզիկական հեռավորություն պահպանելու, դեմքի ծածկոցը մշտապես կրելու անհրաժեշտության, կանոնավոր ձեռքի լվացման կարևորության և տանը մնալու անհրաժեշտության մասին, եթե հիվանդ են կամ ունեն COVID-19-ի ախտանիշներ:
- Փակցված են ցուցանակներ, որոնք անհատներին հիշեցնում են, որ Շուկայում գտնվելիս չի թույլատրվում ուտել կամ խմել:**
- Ամբողջ Շուկայում ցուցանակները հաճախորդներին պետք է ցույց տան, թե որտեղ կարելի է գտնել ձեռքի ախտահանման մոտակա դիսպանսերը:
- Ցուցանակներ պետք է փակցված լինեն մթերքի վաճառակետերում, որոնք հաճախորդներին կհիշեցնեն օգտագործելուց առաջ բոլոր մթերքները լվանալու մասին:
- Ամբողջ շուկայում պետք է փակցված լինեն ցուցանակներ, որոնք հաճախորդներին կհիշեցնեն շուկայի ներսում չուտելու և չխմելու մասին:

- Շուկայի համար առցանց գովազդները (կայք, սոցիալական լրատվամիջոցներ և այլն) հստակ տեղեկատվություն պետք է տրամադրեն շուկայի ժամերի, դիմակներ կրելու պահանջի, սահմանափակ զբաղվածության, նախնական պատվերի, ամրագրումների, կանխավճարների, տեղափոխման և/կամ առաքման հետ կապված ծրագրերի և այլ կարևոր հարցերի վերաբերյալ:

**E. ԿԱՐՈՒՎՈՐ ԾԱՌԱՅՈՒԹՅՈՒՆՆԵՐԻՆ ԱՆԱՉԱՌ ՀԱՍԱՆԵԼԻՈՒԹՅԱՆ ԱԴԱՅՈՎՎԱՄԱՆ ՄԻՋՈՑԱՌՈՒՄՆԵՐ**

- Ծառայությունները, որոնք կարևոր նշանակություն ունեն այցելուների/հաճախորդների համար, պետք է առաջնահերթություն ստանան:
- Գործարքները կամ ծառայությունները, որոնք կարող են առաջարկվել հեռակա կարգով, պետք է դառնան առցանց:
- Անհրաժեշտ է ձեռնարկել միջոցառումներ՝ ապահովելու համար ապրանքների և ծառայությունների մատչելիությունը հաճախորդների համար, որոնք ունեն շարժունակության սահմանափակումներ և/կամ բարձր ռիսկի են ենթարկվում հանրային տարածքներում:

**Վերը չներառված ցանկացած լրացուցիչ միջոցառում պետք է նշվի առանձին էջերի վրա, որոնք ձեռնարկությունը պետք է կցի սույն փաստաթղթին:**

**Այս Արձանագրության վերաբերյալ ցանկացած հարցերի կամ մեկնաբանությունների դեպքում կարող եք կապ հաստատել հետևյալ անձի հետ.**

**Ձեռնարկության  
Կոնտակտային Անուն՝**  
**Հեռախոսահամար՝**  
**Վերջին Վերանայման  
Ամսաթիվը՝**

---

---

---